

长沙蕃椒坂陈氏总祠谱序

出长沙东郭百里而腴行 不尽日抵清泰镇蕃椒坂 有祠岿然 创建于光绪时 吾陈氏始迁朝祔公而下历代先人所凭依逮今余四十叶矣 当日繇江右偕来者有彭甥常甥 余以询常茂才家珣彭太史 清藜息吾同年友彭孝廉兆璜 无异词 盖三姓家录摭言吻合 可互证也 赣湘唇齿占籍 于湘者泰半徙自赣 然考其世谱 遥遥十余传或二十余传为其胚胎 于明时为多 独吾三姓最久且繁衍 故邑称旧族未能或之先焉 谱载朝祔公于唐咸通间授招讨使以剿黄巢功封威烈将军 节度武安继训窃怪其事迹不著于新旧唐书及读义宁宗前辈右铭中丞所撰公浏阳箕箒墓道记始憬 然于故籍多阙文也 记云吾陈氏多祖江州义门 义门之族自宋嘉祐间奉敕析居别为庄百二十有八 由是迁徙遍东南 独今湖南所迁支更在宋前 盖以唐武安节度使朝祔公为始祖 公讳端世居江州 唐季旌义门授家长崇长史 公之昆弟也 父讳克纯登进士第 公亦继成进士 曹州贼僭伪号 唐以墨敕征天下兵 公讨贼有功 授武安节度使 封威烈

将军后裔居潭州者沧浪庄 斂田庄尤著 宝箴添抚是邦去公为节度使时千有
余岁 方惧尸位苟禄貽前人之辱 抑犹冀凭公宠霈 回灾变而康世屯焉 中丞
义门之仙也 故数典敬宗言之綦详 如此继训因以慨乎前人行谊勋绩方策遗
佚 因而掩抑澌灭如吾朝韩裨公者何可更僕算也 斂田庄侧旧有斂田寺始名
福寿寺 邑志唐称陈英仲建 是为吾三世祖八传至团 为宋郎将封侯夫人有九
生子可球可明可洪可清可恭可茂可槐可庆可宗可寿可秀 所称九母十一郎
可秀晚出 庄已析诸兄 分润因号曰斂田寺榜亦更今名 奉父遗像祀之 僱僧
住持久之寺遭喧夺 宣统辛亥后族老总戎斌生孝廉保彝徇族众请商诸 继训
诉于官而规復之 自是正名曰团公祠 并祀田如干亩由总祠遴族中长而贤者
董其事盖其慎也夫 一寺得丧乌足深 论顾念千年先业失而復归非宗人之尊
祖重义 众志博揖曷其有济 盖江州遗风汔未衰息 于此可以观其概矣 乙亥
春总祠重理图牒问序 于余爰捃拾故实以诏后人伸知 所以食先德席余阴积
久而不敝者其来有自

清赐进士出身 出使俄国参赞 员外郎 銜度支部主事 军响司司长 长沙
裔孙继训谨撰

原序

吾闻国有纪邑有志家有谱其义一也谱者何所以考源流明世
次别疏戚著衍所自出而长先烈启后昆之意亦具乎其中故凡
世臣巨族之家皆有谱非有良子孙莫能举而修之也星沙陈氏
自厥祖 端 由江州徙於斯迄今三十七世人文蔚起簪缨纍
纍为王国桢幹膠庠佳士指不胜屈卽力田服贾辈亦言行不苟
孝弟循谨其山川之秀风俗之美祖宗積德累仁之胎如此陈氏
旧有谱牒修於胜国成化庚子岁今将三百余年宗支日益繁裔

孙日益盛恐其年信乎德泽汪洋见万世如一日而迎休倡咎则
存乎其人耳伏读汉太邱公实宋江州处士兢行业懋著无忝神
明之胄我族固代有闻人矣夫族者祖宗之遗即世远支繁祖宗
之心视之则一也后人当体祖宗之心以尽亲亲之情贵思敦睦
之誼以保其族於无窮惟善保其族者可以世家善保其身者可
以永年而齐家之道又在礼义诗书上者附籍青云显扬先世次
者敦尚行谊取重乡评又次者远於俗辈循循雅饬恪守诗礼之
传尊卑長幼驩然相爱取先人训文讲谱中条约共勸勸勉绳绳
继武有光斯牒云尔

乾隆十四年己巳岁冬月吉旦

原序

譜之飭也何為哉所以尊祖敬宗辨名定分敦倫睦族者也余族自軫公相楚封為潁川侯至五十五世孫端公相唐有功勅封威烈鎮守潭州勳在王室名垂青史肇基於星沙霧陽鄉建香次堂於岩石沖福壽莊名曰福壽寺越后團公十一子分析義門莊業亦仍茲土故將岩石沖改名斂田沖福壽寺改為斂田祠自是以來人丁繁衍衣冠羅列日曆九百年矣雍正甲寅年族長遠猷等繼修族譜以斂田香火較遠始建祠宇於省垣北門乾隆己巳年族眾開明等世次疏遠將混而弗辨且昧其所自出之光大而不知圖繼也則因旧譜重修以貽后人不忘其所自而凡支派尊卑名号官爵生卒葬祭燦然畢具而不違正其差訛增其未備今已成編千余一言以識之余曰譜者其所係甚鉅苟非仁人志士鮮克以此是務故因其請書數言以弁其端是為序

雍正十二年甲寅歲秋月吉旦

賜進士出身文林郎知湖直隸靖州會同縣事加三級紀錄三次劍木年家眷弟袁守定拜撰

原序

当闻古今巨族谱牒各臧不朽所以为奠世系不忘宗本之意也余族丁繁派衍因於国朝雍正十二年甲寅岁族众公捐纂修谱牒业已告成祇因纂修现丁未能重修旧牒故今復加续修余稽旧谱本轩辕之后傳八世而生舜帝舜生丁卯年至合盛世乾隆己巳岁计四千余年矣舜生商均至颍川侯軫七十八世自颍川侯至今开字派又八十八世县延若此是我 先人之孝弟格顽化傲有感於天人者久而彰之诚谓盛德之后必百世祀我祖舜帝祀近數千重纂谱牒所载世系甚详继缘首其事者心志不一復於古祥巷別立新祠一时厭故喜新者羣迁主而隨之其恪守先人旧业者則今日续修家乘之嗣孫輩也今日者簪缨縉笏虽稍遜於前人而追念乎一堂星聚十世同居先型秩然具在蓋莫不瞿然而思奋然而起焉惟是少壯崢嶸人心不古继继承承不无低昂之见源源本本难免伦敘之淆不修明而編輯之甯不远而弥差乎茲幸老成猶在原牒可稽不患考据无由因思急为编辑嘉庆癸酉冬至至少长咸集爰倡斯议莫不踴躍相从甲戌春仲搜罗乡曲齐詣宗

祠糾工匠備棗梨其殘缺者補之失次者序之信者詳之疑者闕之勘校既明條綫各晰而本支昭穆生沒存葬井然可觀間有前无所承后无所繼者亦必注實不敢意为首尾所以傳信后人俾無遺憾也其次序之分定字別派相承勿替則祖宗虽居百世之上子孫无不似續於百世之下矣謹著十訓立十條授之梓人刷印五十部編立字號各房註名領收一展牒而昭穆釐然尊卑有序恍然見本源之不昧世澤之弥新焉是為序

嘉慶十九年歲次甲戌孟夏月 穀旦

闔族嗣孫公撰

续序

我族自威烈將軍官潭州立業長沙霧陽鄉為始遷祖由唐迄今歷世逾四十應年逾九百經累朝興革而子若孫猶得世其井里不可謂非祖澤之畱遺孔厚矣

為子孫者固宜延世系尤宜篤宗親宗親之篤莫重於譜也者窮源溯流分支別派定昭穆而序尊卑也禮曰尊祖故敬宗敬宗故收族瓜絲椒衍一脈相承均於譜焉系之粵稽穀公以朝散大夫解組歸糾修族譜踵其事者則有元之孟瑞公前朝正德十四年增修者則有思文公成化萬厯間復因原本重加編輯至我朝雍正十二年甲寅族以鄉祠寫遠改建祠於省垣之北門旋舉旧牒而重纂之嗣是補修於乾隆之十四年己巳續修於嘉慶之十九年甲戌今又四十余年矣沐天地覆載生成之德國家重熙累洽之休繼繼承承添丁又不下以千計恐后此丁愈繁緒愈紛遂糾合族眾而更修之是役也易直列為橫編更仿范式以派相次其系有蘇之密而無其支離其序有歐之詳而無其琐碎較之旧譜更為簡當庶使閱者一見瞭然所以收族者在是所以敬宗者在是所以尊祖者在是矣至我先人之德善功烈炳炳麟麟固人所共知者無容贅

咸丰十一年歲次辛酉季夏月穀旦

闔族嗣孫公撰

续序

我族之绵衍於湖湘也自朝祔公讳端宦潭州始先世隸籍江州德安县至端公由进士官招讨使唐僖宗時以征黄巢得功授武安節度使加封威烈将军官镇潭州年老解组遂家於长沙霧阳乡世居金鏗大塘越唐宋元明四朝以迄国朝定鼎兵燹迭经其犹得子子孙孙支分派别以至於今者赖有家乘以傳之则族谱之修曷可少哉夫族之有谱所以敦本睦族也族虽有远近亲疏之不同要其本源则一故人之厚待其宗族必先联之以谱如人有四肢百体务使血脉相贯疴癢相关焉否则谱系不明将有亲未绝而遂不相识者矣概自潢池弄盜滄海横流铁马金戈所在蹂躪其名门巨族转徙流离致令老谱散佚世次不明者不可枚举而我祠谱牒溯源追始考其世系昭穆朗然洵由祖泽之绵长以至於斯也粤稽谱牒之修可知者始自朝散大夫穀公厥后则有元之孟瑞公明之思文公至国朝则有远猷开明公重纂甚详继缘董事志愿不符由北门祠分建吉祥巷新祠而乡間又創立支祠不一於是行第因之而改亦舍旧派而从新焉我祠自雍乾嘉道以迄咸丰

辛酉中间补修续辑凡生没存葬校勘甚明越今又三十余年矣子既生子孙復生
孫目今红丁又不下二千余计傥不踵而增修之恐后此丁愈繁而纷无所纪已沒
者坟墓莫攷现存者尊卑谁辨我朝以仁孝治天下吾族幸際重熙涵濡沐浴水木
之思自感发於不容已爰商之族众举旧帙而增修之加以条规凡例所添丁数均
依旧谱程式照稿登载自端公以下至学派止前以世派图为经后以世次图为纬
庶使阅者溯所自出一目了然谱成用鈐記共计总谱若干册支谱若干册发各房
分领俾世世子孙祭扫则确然知坟墓之所在宴会则肃然於尊卑之难踰从此瓜
繇椒衍卜吾族之振兴未艾也是举也倡始於癸巳冬告竣於甲午秋当夫按丁捐
費族之人无不权欣鼓舞用观厥成亦可见敬宗收族有同心云若夫光前裕后
踵而行之似而续之且能創置义田义塾振起人文是惟贤而有才者俾末益大乎
其本流益盛乎其源尤我 祖若宗之所深望於子孙者则又俟之他日焉是為序

清光绪二十年甲午季秋月 闔族公譔

国朝谱序

吾闻国有纪 邑有志 家有谱其义一也 谱者何所以考源流 明伦次别疎戚著其所自出而表杨宗祖 训勉子孙之意亦具乎其中故凡世家巨族皆有谱非有贤智之士莫能举而修之也 星沙陈氏自厥祖端由吾乡之江州徙于斯迄今三十七辈人文蔚启簪缨累累为

王国桢榦膠庠佳士指不胜屈即力田服贾辈亦言行不苟孝弟循谨其山川之秀 风俗之美祖宗積德之貽如此陈氏旧有谱修于勝国历今将百年宗支日繁衍徙靡定不因而重修之势必久而失次远而难稽疏戚混而并昧其所自出焉今览斯谱渊源有自伦次秩如而凡名号官爵及生卒葬祭无不畢具苟非仁人孝子之用心其能为此敬宗收族之举哉予于陈族乡谊也因肯其请书数言以其端

清雍正十二年甲寅岁仲秋月

赐进士出身知会同县事年家卷弟袁守定拜撰

叙

清鼎既革民國肇興于今九年兵亂

未息吾北門祠族衆余子姓之繁育

感時局之側擾乃亟謀續脩譜牒蓋

距前清甲午歲所脩已二十有六年

矣此數十餘年間世界大通羣衆